



BERNAMA.com

BERNAMA TV

BERNAMA Radio



Carian

Imunisasi

COVID-19

Am

Jenayah & Mahkamah

Ekonomi

Sukan

Politik

Rencana

Tinta Minda


BERITA COVID-19 | tus mulai esok | Pejabat Kesihatan Terengganu nafi penularan COVID-19 di sekolah | Tiada caj suntikan v


EKONOMI

Pasaran gas di Malaysia dijangka diliberalisasi sepenuhnya pada 2022 - MGA



Kata Kunci

[hazi sham kassim](#) [gas cecair aslu](#)
[liberalisasi](#) [persatuan gas malaysia](#)

Lagi Berita



Rumah pusaka 50 tahun dapat naik taraf sistem elektrik



Dua RUU sedia dibawa ke peringkat rundingan negeri - Ahmad Marzuk



Petronas & CNOOC jalin kerjasama bagi jaminan tenaga, penyelesaian tenaga bersih

Persatuan Gas Malaysia (MGA)



13/03/2021 05:17 PM

ADVERTISEMENT



KUALA LUMPUR, 12 Mac -- Pasaran gas di Malaysia dijangka akan diliberalisasikan sepenuhnya pada tahun 2022, ketika baki tarif gas yang dikawal selia berakhir pada 31 Disember, 2021, kata Presiden Persatuan Gas Malaysia (MGA), Hazi Sham Kassim.

Beliau berkata peralihan kepada pasaran gas yang diliberalisasikan sepenuhnya penting bagi semua pihak, termasuk penggubal dasar, pengawal selia, pemain industri dan pelanggan, memahami pasaran gas asli cecair (LNG) termasuk faktor-faktor yang mempengaruhi harga dan kontrak .

Selain itu, ia juga penting bagi para pemain pasaran untuk memahami perspektif dan aspirasi penggubal dasar di pasaran gas.

"Mewakili seluruh rantaian nilai industri gas asli, MGA memainkan peranan yang berpengaruh sebagai penyokong utama dalam mempromosikan masa depan yang mampan untuk industri gas di Malaysia.

"Malaysia sedang beralih kepada pasaran gas yang aktif dan mampan apabila diliberalisasikan sepenuhnya.

"MGA berharap apabila persekitaran pasaran gas yang diliberalisasi, ia diniagakan berdasarkan pasaran penjual dan pembeli rela-merelai dan pada 'padang sama rata,'" katanya dalam satu kenyataan bersempena persidangan meja bulat secara maya yang berlangsung hari ini.

Beliau berkata untuk mengemudi persekitaran yang tidak menentu, pengguna harus menyedari mengenai perbezaan ketetapan harga, kontrak bekalan dan risiko yang berkaitan.

Ketidaktentuan harga LNG serantau telah menyaksikan ia merosot di bawah US\$2/ MMBtu (satu juta unit termal British) pada pertengahan 2020 namun ia melonjak semula melebihi US\$20/MMBtu awal tahun ini.

Pelaksanaan sepenuhnya liberalisasi pasaran gas mewujudkan industri gas asli yang cergas dan mampan, negara mendapat faedah daripada keselamatan dan kebolehpercayaan tenaga yang dipertingkatkan.

Industri gas itu sendiri telah memainkan peranan utama dalam pertumbuhan sosioekonomi Malaysia, menghasilkan lebih daripada RM135 bilion setahun kepada ekonomi dan mewujudkan lebih 80,000 pekerjaan di ekonomi yang lebih luas.

Sebagai bahan api yang paling bersih, gas asli memainkan peranan penting dalam menyediakan tenaga yang bersih, selamat, boleh dipercayai dan fleksibel untuk memacu peralihan kepada tenaga karbon rendah di Malaysia ke arah masa depan yang mampan.

Persidangan meja bulat itu platform kepada pemimpin kanan daripada penggubal dasar dan pihak berkepentingan utama seperti Unit Perancang Ekonomi, Kementerian Tenaga dan Sumber Asli, Petronas, MISC Bhd dan Persekutuan Pekilang-Pekilang Malaysia (FMM) untuk membincangkan pasaran LNG dan membincangkan kesannya kepada pasaran gas tempatan.

Persidangan itu disertai lebih daripada 100 pemerhati daripada kalangan pemain gas di Malaysia termasuk pemegang lesen import pihak ketiga dan pemegang lesen perkapalan.

-- BERNAMA

ADVERTISEMENT



BERNAMA

Pertubuhan Berita Nasional Malaysia

Wisma BERNAMA
No.28 Jalan BERNAMA
Off Jalan Tun Razak
50400 Kuala Lumpur
Malaysia

+603-2693 9933 (Talian Am)
helpdesk[at]bernama.com



Kategori

- Am
- Ekonomi
- Pasaran
- Tenaga
- Sukan
- Politik
- Rencana
- Dunia
- Nam News Network (NNN)
- Tinta Minda
- Infografik
- Video
- Images
- Siaran Media Eksklusif
- Arkib

Laman Mikro

- Kesihatan
- Webinar

Wilayah

- Tengah
- Utara
- Selatan
- Timur
- Sabah
- Sarawak

Lain-lain

- Laman Korporat
- Hubungi Kami
- Produk dan Perkhidmatan
- Kerjaya@BERNAMA
- Sebutharga / Tender